

不去此婦則家不清不去此婦則福不生不去此婦則事不成自恨
以華盛時不早自定至於垂白家貧身賤之日養癯長疴自生禍殃
謝靈運詩序云零落將盡阮籍率意獨駕車跡所窮輒慟哭而反左
傳奉以周旋張平子詩美人贈我錦綉段列子楚成王登臺夫人鄭
子賢不顧王曰顧吾與汝千金曲禮女子許嫁笄而字夫父母也蘇
少卿詩結髮爲夫妻謝靈運詩登棧亦陵緬韋昭國語注緬猶貌也
楚辭閭張兮私自憐史記三王之道若循環劉越石扶風歌據鞍長
嘆息下淚如流泉更始誅劉伯升光武言笑如常惟枕席上有淚痕
古有關山曲古詩照我羅衣帶洛神賦光曜王旗嶺表錫異珎瑁形
狀似龜唯腹背甲有烘點屢南廬亭夷人獲活玳瑁獻連帥嗣薛王
王令生取背甲小者二片帶於左臂上飲饌中有蠱毒甲自搖動後
卷於使宅伺其揭處衛生復遣廬亭送於海畔古今注鴛鴦水鳥是
類雌雄未嘗相離人得其一一思而死謂之匹鳥詩相彼雨雪生集
維霰曹植詩賤妾當何依芙蓉蓮花晉書蒲柳之質望秋先零陸韓
卿孺子妾歌歲暮寒飈及秋水落芙蓉阮嗣宗詩焦悴使心悲選詩
餘生幸已多曹植雜詩寄松爲文蘿依水如浮萍玉臺新詠焦仲卿
詩新婦初來時
小姑如我長

分類補註李太白詩卷之六